

Izjava o zaštiti privatnosti – Kia nalog

Kako bismo vam obezbijedili sve funkcionalnosti povezane sa Kia nalogom, potrebno je da obradujemo određene podatke.

1 Rukovalac

Kia Connect GmbH, njemačko pravno lice sa brojem u privrednom registru HRB 112541 i zvaničnom adresom kompanije Theodor-Heuss-Allee 11, 60486 Frankfurt, Njemačka, u daljem tekstu „Kia“, „mi“ ili „nas“, odgovorna je za obradu svih ličnih podataka kako je objašnjeno u nastavku.

2 Kontakt podaci

Ako imate bilo kakvih pitanja u vezi s ovom Izjavom o zaštiti privatnosti ili želite da ostvarite neko od svojih prava u pogledu postupanja s vašim ličnim podacima (vidjeti 8 u nastavku), kontaktirajte nas koristeći gore navedene kontakt podatke ili:

Kia Connect GmbH
Adresa e-pošte: info@kia-connect.eu
Telefon:

- Belgïe/Belgique: +32 80069706970
- France: +33 969 320 600
- United Kingdom: +44 3332022990
- Deutschland: +49 800 777 3044
- Sverige: +46 840 044 300
- Nederland: +31 888 542542
- España: +34 91 304 31 90
- Italia: +39 848 582 588
- Ireland: +35 3818300007
- Magyarország: +36 80 315 542
- Polska: +48 605542542
- Österreich: +43 1734290010
- Slovensko: +421 232 421 341
- Česko: +42 0222999333
- Norge: +47 679 70 700
- România: +40 213 125 005
- Ísland: +354 590 2130

Bosna i Hercegovina:

Alternativno, možete kontaktirati i našeg službenika za zaštitu ličnih podataka:

Adresa e-pošte: dpo@kia-connect.eu
Poštom: Data Protection Officer, Theodor-Heuss-Allee 11, 60486 Frankfurt am Main.

3. Svrha i pravni osnov za obradu

Obradujemo vaše lične podatke koje nam dostavite u vezi sa registracijom vašeg Kia naloga i daljom upotrebom vašeg Kia naloga. Svrha naše obrade je da upravljamo vašim Kia nalogom (od prijavljivanja do eventualnog raskida), da vam obezbijedimo sve Kia funkcije naloga, da vam omogućimo pristup uslugama za koje je potreban Kia nalog i da vas obavijestimo o ažuriranjima Kia naloga.

Pravni osnov za našu obradu vaših ličnih podataka jeste to što je ova obrada neophodna za ispunjenje našeg ugovora sa vama u vezi sa Kia nalogom (čl. 8(1)(b) Zakona o zaštiti ličnih podataka Bosne i Hercegovine) ili je zasnovana na legitimnim interesima kompanije Kia (čl. 8(1)(f) Zakona o zaštiti ličnih podataka Bosne i Hercegovine).

Sva dalja obrada podataka u vezi sa pojedinim telematskim uslugama podložna je posebnim Obavještenjima o privatnosti za odgovarajuću uslugu/e. Takva Obavještenja o privatnosti biće vam uredno dostavljena prilikom prihvatanja odgovarajuće usluge.

Vaše lične podatke obrađujemo u druge svrhe samo ako smo na to obavezni na osnovu zakonskih zahtjeva (na primjer, dostavljanje sudovima ili organima krivičnog gonjenja), ako ste dali pristanak za takvu obradu ili ako je obrada na drugi način zakonita u skladu sa važećim propisima. Ako dođe do obrade u drugu svrhu, obezbijedićemo vam dodatne informacije, ako je primjereno. Ne bavimo se automatiziranim donošenjem odluka, uključujući profiliranje u vezi sa uslugama aplikacije, osim ako vas izričito nismo obavijestili o takvom automatiziranom donošenju odluka, uključujući profiliranje, na neki drugi način.

4 Kategorije ličnih podataka

Podaci prikupljeni u vezi sa Kia nalogom obuhvataju: Vaše ime, oslovljavanje, vašu adresu e-pošte, vaš broj telefona, lozinku, državu, željeni jezik, činjenicu da ste prihvatili Uslove korištenja za Kia nalog.

5 Primaoci i kategorije primalaca ličnih podataka

Svaki pristup vašim ličnim podacima u kompaniji Kia ograničen je isključivo na ona lica kojima su oni neophodni za ispunjavanje radnih obaveza.

Vaše lične podatke mogu obrađivati, za odgovarajuće svrhe, primaoci i kategorije primalaca navedene u nastavku:

- Privatna treća lica – Povezani ili nepovezani privatni subjekti osim nas, koji sami ili zajedno s drugima određuju svrhe i sredstva obrade ličnih podataka.
- Obradivači podataka – Određena treća lica, bilo povezana ili nepovezana, mogu primiti vaše lične podatke da ih obrađuju u ime kompanije Kia u skladu s odgovarajućim uputstvima, kako je potrebno za odgovarajuće svrhe obrade. Obradivači podataka biće podvrgnuti ugovornim obavezama da primijene odgovarajuće tehničke i organizacijske mjere bezbjednosti radi zaštite ličnih podataka i da lične podatke obrađuju samo kako je naloženo.

Obradivač podataka za Kia nalog je Hyundai Autoever Europe GmbH, Kaiserleistraße 8a, 63067 Offenbach am Main, Njemačka.

- Državni organi, sudovi, vanjski savjetnici i slična treća lica koja su javna tijela, kako je to propisano ili dopušteno važećim pravom.

6 Prekogranični prijenosi podataka

Neki od primalaca vaših ličnih podataka biće locirani ili mogu imati relevantno poslovanje izvan vaše zemlje i EU/EEP-a, npr. u Republici Koreji, gdje propisi o zaštiti podataka mogu obezbijediti drugačiji nivo zaštite u poređenju s propisima vašeg zakonodavstva i u pogledu kojih ne postoji odluka o primjerenosti Vijeća ministara Bosne i Hercegovine i/ili Evropske komisije. U pogledu prijenosa podataka takvim primaocima izvan EU/EEP-a obezbijedićemo odgovarajuće zaštitne mjere zaključivanjem ugovora o prijenosu podataka koje je usvojila Evropska komisija i/ili zaključivanjem ugovora o prijenosu podataka koje je usvojila Agencija za zaštitu ličnih podataka Bosne i Hercegovine (ako je to pravno potrebno radi usklađivanja s lokalnim zakonima o zaštiti podataka i u mjeri u kojoj to nije u suprotnosti s GDPR-om) sa primaocima ili preduzimanjem drugih mjera radi obezbjeđivanja primjerenog nivoa zaštite

podataka. Kopija odgovarajuće mjere koju smo preduzeli dostupna je preko našeg službenika za zaštitu podataka (vidjeti 2 gore).

7 Period čuvanja

Vaše lične podatke čuvamo mi i/ili naši dobavljači usluga, u mjeri u kojoj je to neophodno za ispunjenje naših obaveza i onoliko dugo koliko je potrebno da se postignu svrhe zbog kojih se lični podaci prikupljaju, u skladu sa važećim propisima o zaštiti podataka.

Kada nam više ne bude potrebno da obrađujemo vaše lične podatke, izbrisaćemo ih iz naših sistema i/ili evidencija i/ili preduzeti korake da ih propisno anonimiziramo tako da vas više nije moguće identificirati na osnovu njih (osim ako moramo da zadržimo vaše informacije radi usklađenosti sa zakonskim ili regulatornim obavezama kojima podležemo. Na primjer, lični podaci sadržani u ugovorima, komunikaciji i poslovnim pismima mogu podleći zakonskim zahtjevima za čuvanje, koji mogu zahtijevati čuvanje do 10 godina).

8 Vaša prava

Ako ste dali pristanak za bilo koje aktivnosti obrade ličnih podataka, možete povući ovaj pristanak u bilo kom trenutku sa dejstvom za ubuduće. Takvo povlačenje neće utjecati na zakonitost obrade pre povlačenja pristanka.

U skladu sa važećim propisima o zaštiti podataka možete imati pravo da: zatražite pristup svojim ličnim podacima, zatražite ispravku svojih ličnih podataka; zatražite brisanje svojih ličnih podataka, zatražite ograničavanje obrade vaših ličnih podataka; zatražite prijenosivost podataka i uložite prigovor na obradu svojih ličnih podataka. Imajte na umu da ova prethodno navedena prava mogu biti ograničena prema važećem nacionalnom pravu o zaštiti podataka.

Također imate pravo da podnesete žalbu nadležnom nadzornom organu za zaštitu podataka.

Da biste ostvarili svoja prava, kontaktirajte nas kako je navedeno u odjeljku 2 gore.

8.1 Pravo na pristup: Možete imati pravo da od nas dobijete potvrdu o tome da li se vaši lični podaci obrađuju i, ako je to slučaj, da zatražite pristup ličnim podacima. Informacije o pristupu obuhvataju – između ostalog – svrhe obrade, kategorije relevantnih ličnih podataka, i primaoce ili kategorije primalaca kojima su lični podaci otkriveni ili će biti otkriveni. Međutim, ovo nije apsolutno pravo i interesi drugih lica mogu ograničiti vaše pravo na pristup.

Možete imati pravo na kopiju ličnih podataka koji se obrađuju. Za dodatne kopije koje zatražite, možemo naplatiti razumnu naknadu na osnovu administrativnih troškova.

8.2 Pravo na ispravku: Možete imati pravo da od nas zatražite ispravku netačnih ličnih podataka koji se odnose na vas. U zavisnosti od svrhe obrade, možete imati pravo da se nepotpuni lični podaci dopune, uključujući davanjem dopunske izjave.

8.3 Pravo na brisanje („pravo da budete zaboravljeni“): U određenim okolnostima možete imati pravo da od nas zatražite brisanje ličnih podataka koji se odnose na vas, a mi možemo biti u obavezi da te lične podatke izbrišemo.

8.4 Pravo na ograničenje obrade: Pod određenim okolnostima, možete imati pravo da od nas zahtijevate ograničenje obrade vaših ličnih podataka. U tom slučaju, relevantni podaci biće označeni i moći ćemo ih obrađivati samo za određene svrhe.

8.5 Pravo na prijenosivost podataka: Pod određenim okolnostima, možete imati pravo da primite lične podatke koji se odnose na vas, koje ste nam dostavili, u strukturiranom, uobičajeno korištenom i mašinski čitljivom formatu i možete imati pravo da te podatke prenesete drugom subjektu bez ometanja sa naše strane.

8.6 Pravo na prigovor: Pod određenim okolnostima, možete imati pravo da uložite prigovor, u bilo kom trenutku i iz razloga koji se odnose na vašu posebnu situaciju, na obradu vaših ličnih podataka od strane nas i možemo biti obavezani da više ne obrađujemo vaše lične podatke. Pored toga, ako se vaši lični podaci obrađuju u svrhe direktnog marketinga, imate pravo da u svakom trenutku uložite prigovor na obradu ličnih podataka, koji se odnose na vas, za takav marketing, što uključuje i profiliranje u mjeri koja je povezana sa takvim direktnim marketingom. U tom slučaju mi više nećemo obrađivati vaše lične podatke u te svrhe.

9. AŽURIRANJA

Ova izjava o zaštiti privatnosti može biti izmijenjena ili ažurirana s vremena na vreme kako bi odražavala promjene u našim praksama u pogledu obrade ličnih podataka ili promjene važećeg prava. Podstičemo vas da pažljivo pročitate ovu Izjavu o zaštiti privatnosti i da redovno provjeravate sve izmjene koje bismo mogli da napravimo u skladu sa odredbama ove Izjave o zaštiti privatnosti.